

SOL DI PUEBLO

BRIYANDO FUERTE • TRECIENDO CLARIDAD

PPA TA BAY HULANDA CU ENFOKE RIBA TRIPARTIET, IPKO Y FUTURO DI REINO



**Geschillenregeling, Un bario/distrito cono ecosistema cu enfoke riba
'ouderzorg' y herencia di esclavitud ta entre e tema principalnan cu lo trata**

FALTA DI PERSONAL Y FONDO TA TA TRANCA CRISTALISACION DI REFORMANAN; CONCLUSION DI E EVALUACION DI E ONDERLINGE REGELING LANDSPAKKET



Implementacion di metodo nobo p'un miho cuida di pashent

CUIDO REFORSA CU AVANCE DEN DIAGNOSIS DI PROSTAAT NA HOH



Horacio Oduber Hospital (HOH) a introduci un metodo nobo cu ta specialmente pa diagnostica pashentnan cu tin un PSA halto. Antes tabata haci mesora un biopsia di e prostata, pero awor ta haci un MRI prome pa detecta anomalanan sospechoso den e prostata cu ta mas preciso y den un fase mas trempan. Esaki ta evita un biopsia innecesario, loke por ta incomodo pe pashent y alabes tambe ta duna hopi stress. HOH ta sigui cu su meta pa continuamente mehora calidad di cuida pa tur pashent y e biaha aki, pa pashentnan di urologia na Aruba.

E implementacion exitoso a wordo realiza danki ne cooperacion multidisciplinario di un team na HOH. Parti di e team ta urologonan dr. Leong, dr. Gonzalez y dr. Petronilia hunto cu radiologo dr. van Lindert, laborantnan radiodiagnostico sr. Douglas y sra. Henriquez, tecniconan medico sr.

Cicilia y sr. Hernandez, di departamento di IT sr. Brouwer y di departamento di radiologia, manager sra. Fullinck. Urologo sr. Leong, ta hopi entusiasmo cu e paso aki paso "E forma nobo aki ta mas preciso cu menos dolor y menos complicacionnan pa nos pashentnan. Mi ta hopi contento cu e gran progreso aki den e cadena di cuida di carcinoma di prostata na Aruba."

Ciruhano y alabes miembro di Hunta Directiva di HOH, dr. Yuri Casseres, ta splica: "Cu e desaroyo aki HOH ta haci un paso importante na Aruba door di ofrece un diagnostico di cancer mas moderno, mas preciso y cu enfoke riba calidad pe pashent. Pashentnan awor tin acceso na un diagnosis di prostata mas avansa, cu menos intervencion innecesario y di un calidad di cuida mas halto."

E metodo nobo ta inclui diferente paso pa pashentnan di policlinica di urologia. Si e prome



MRI muestra un of mas area sospechoso, solamente e ora ey lo sigui c'un diagnostico adicional cu MRI/echo pa un biopsia di prostata. Durante e paso aki ta saca un imagen di MRI cu ta wordo combina cu imagennan di echo uzando e 'tecnologia di fusion'. Danki na e tecnica aki mediconan por determina e luga di un anomalia sospechoso di un forma mas exacto. Asina nan por kita un parti di forma mas dirigi pe biopsia bay laboratorio pa por yega na un diagnostico

mas preciso y structura. Esaki ta aumenta e confiabilidad di resultado y ta yuda limita biopsianan innecesario mas hopi cu ta posibel.

Pa introduci e metodo nobo aki, HOH a traha den colaboracion estrecho cu companianan Siemens Nederland y Global Medica. A haci "upgrades" specifico na e sistema actual di MRI na departamento di radiologia pa optimalisa imagennan di prostata. Y pa un calidad y eficiencia mas halto a integra

inteligencia artificial (AI). Ademas a inverti den ekipo nobo di echo pa asina por sostene e tecnologia nobo aki debidamente.

Cu e desaroyo innovativo y e metodo nobo aki HOH ta demostra un biaha mas cu interes di e pashent ta na prome luga.

HOH ta expresa aprecio pe dedicacion y esfuerso di tur profesional di cuida y personanan involucra den realiza e bunita logro aki cu ta aporta un biaha mas na mehoracion den cuida.

PPA TA BAY HULANDA CU ENFOKE RIBA TRIPARTIET, IPKO Y FUTURO DI REINO

Geschillenregeling, Un bario/distrito cono ecosistema cu enfoke riba ‘ouderzorg’ y herencia di esclavitud ta entre e tema principalnan cu lo trata

Fraccion di PPA ta actualmente na Hulanda pa participa den diferente reunion importante den cuadro di Tripartiet y IPKO, unda lo discuti diferente tema cu ta toca futuro di Reino Hulandes entre e delegacionnan di Aruba, Corsou, Sint Maarten y Hulanda.

Geschillenregeling topico principal

Segun parlamentario Eduard Pieters, un di e topiconan principal ta e Geschillenregeling, un tema cu ta andando pa hopi aña caba y cu tin importancia particular pa e paisnan dentro di Reino. Durante e reunionnan lo evalua e cambionan cu a propone y e proceso constitucional cu e ley aki ta sigui actualmente. Banda di esey, tambe lo trata e topiconan manera cuidio di e grandinan y lo mira posibel solucionnan na Hulanda, como esclavitud y herencia di esclavitud, un tema cu ta ta desea pa bolbe regularmente riba agenda di Tripartiet y Reino y cu lo haya atencion durante e reunionnan aki.

HOFA no ta riba agenda di IPKO

Pieters a enfatisa cu

contrario na loke algun hende por pensa, Rijkswet HOFA no ta un punto oficial riba agenda di e reunionnan di Tripartiet ni di IPKO.

E reunionnan aki tin nan propio agenda y enfoke, cu ta principalmente riba cooperacion dentro di Reino y diferente asunto institucional, cu ta afecta e paisnan den Reino

PPA lo uza e oportunidad pa tene e reunionnan apart

Aunke HOFA no ta trata oficialmente durante IPKO, PPA lo probecha su presencia na Hulanda, pa tene reunion di siguiemento apart cu diferente fraccion politico cu e PPA a conoce y cu a sostene contacto cu nan durante luna di april ultimo. Segun Pieters, den e reunionnan bilateral aki, e tema principal si lo ta Rijkswet HOFA y e reciente conseho di Raad van Advies.

“Nos lo comparti e preocupacionnan cu nos tin y e argumentonan constitucional cu Raad van Advies a trece dilanti, specialmente loke ta trata articulo 38 di e ley di Reino HOFA” Pieters a declara.

Dialogo prome cu



confrontacion

PPA ta indica cu su meta no ta pa crea conflicto, pero pa contribui na un dialogo serio y bon informa tocante e futuro di Reino y e posicion constitucional di Aruba.

“Nos kier tene e conversacionnan profundo y necesario cu respet y cu argumento. Ta precisamente p’esey nos ta sinta cu diferente partido, pa comparti informacion y tende tambe nan punto di bista,” Pieters a expresa. Pa PPA, e reunionnan na Hulanda ta representa un oportunidad importante pa hiba e combersacion profundo cu cada partido, sigui defende interes di Aruba, mientras cu na mes momento contribui

na un Reino cu ta funciona mihor y cu mas respet

mutuo entre tur e paisnan cu ta forma parti di dje.

AUMENTO DI BIENTO TA TRECE
MAS STOF
Y MAS KEHONAN
DI ALERGIA



Proteha bo salud.
Tuma precaucion.



NISTERMENTO
FRECUENTE



WOWO IRITA
Y TA BASHA AWA



NANISHI
CERA



DIFICULTAD
PA HALA ROSEA

Bo Salud, nos prioridad!

Fraccion di PPA a kibra e barera UN INVITACION A SALI NA TUR LIDER DI FRACCION Y GREMIO COMERCIAL PA UN ANOCHI DI INFORMACION RIBA HOFA Y LWHO

Den un iniciativa cu poco biah ta mira den politica Arubano, Fraccion di PPA a manda un invitacion formal na tur lider di fraccion den Parlamento y na e gremionan comercial principal di Aruba pa reuni den un solo espacio y comparti informacion cu pueblo riba HOFA y LWHO.

Segun parlamentario Eduard Pieters, e momento a yega pa Aruba pone interes di pais prome.

“Nos no por sigui discuti un tema di e magnitud aki den diferente espacio. Si HOFA y LWHO lo tin impacto riba futuro financiero y autonomia di Aruba, e informacion mester ta comparti den un forma habri y transparente

cu pueblo,” Pieters a declara.

P’esey PPA a invita tur lider politico representa den Parlamento pa participa y comparti nan vision y posicion riba e dos leynan aki. Na mes momento, a manda invitacion tambe na e gremionan comercial principal, incluyendo CUA, ATIA, AFBA, AHATA, KvK y SNBA.

Pa PPA, e tema aki a pasa frontera di partido politico caba. E meta no ta crea confrontacion, sino pa comparti informacion obhettivamente. E anochi aki ta pa Aruba por scucha directamente for di e lidernan politico y representante di e sector comercial, haci pregunta y forma su propio



conclusion basa riba echo y argumento.

PPA ta expresa cu e invitacion aki ta habri pa

tur lider di fraccion y tur gremio comercial, pasobra e decisionnan cu por afecta futuro di Aruba no mester ta discuti den aislamiento.

“Independientemente di color politico, Aruba ta di nos tur. Y e pueblo merece tende tur posicion prome cu Parlamento tuma e decisionnan definitivo,” Pieters a enfatisa.

E encuentro lo tuma lugar dia 16 di juni 2026 na SIMAR, Sabana Blanco 36, for di 6:30 te 8:30 di anochi, cu señora Shirley Eisdien como moderador independiente.

Mas cu un evento pa debati, e ta un yamada pa dialogo nacional, participacion y transparencia. Pasobra ora ta trata di futuro di Aruba, informacion no mester separa nos; informacion mester uni nos.

CASO DIAMANTE TRATA DEN APELACION

Awe Corte Comun di Husticia a trata e caso Diamante contra e sospechoso A.A.H. den apelacion.

Na aña 2023 Corte den Prome Instancia a condena H. pa un castigo di prison di 24 luna, di cual 6 ta condicional, cu un tempo di prueba di 3 aña.

Awemainta Ministerio Publico a pidi Corte Comun di Husticia pa sigui e huicio di Corte den Prome Instancia y pa confirma e sentencia cu hues a duna.

Banda di castigo di prison, Corte den Prome Instancia a condena e sospechoso esten pa paga un

multa di 35.000 florin y a declara cu e 15.000 florin cu a wordo confisca cerca dje, ta bay pa caha di Pais Aruba (verbeurd).

H. ta wordo acusa di malversacion di casi 200.000 florin entre december 2018 y maart 2021, y di a haci uso di documentonan falso entre oktober 2019 y april 2021.

E hecho cu ex-agente policial H. tabata tanto parlamentario como voorzitter di un fundacion lia na su partido politico durante e periodo ey, ta haci e acusacionnan contra dje mas pisa ainda.

E caso Diamante a cuminsa lora despues di un señal for di cual a sali cu fondonan publico, cu Parlamento tabata paga na e fundacion menciona, tabata resulta pa gran parti riba cuenta di banco di e sospechoso.

Ministerio Publico ta considera cu H. a daña seriamente e confianza cu un ciudadano mester tin den parlamentarionan di Aruba.

E tipo di comportacion robes aki tin un impacto profundo riba e confiansa di comunidad den funcionarionan publico y den gobierno, y ta perhudica e



credibilidad y integridad di Estado di Derecho.

Corte Comun di Husticia a cera e investigacion y lo dicta sentencia riba 8 di juli 2026.

Parlamentario Shailiny Tromp-Lee:

FALTA DI PERSONAL Y FONDO TA TA TRANCA CRISTALISACION DI REFORMANAN; CONCLUSION DI E EVALUACION DI E ONDERLINGE REGELING LANDSPAKKET

E delegacion parlamentario di Aruba, den cual Parlamentario Shailiny Tromp-Lee (MEP) ta participando activamente, a yega Hulanda pa reuni entre otro den e reunion crucial di Tripartier cu coleganan di Corsou y St. Maarten, prome cu e inicio di e Interparlementair Koninkrijksoverleg (IPKO). E agenda pa e dianan aki ta bin carga cu temanan di peso huridico y structural pa e islanan.

Un di e puntonan principal riba mesa ta e Geschillenregeling (Regla di Disputa), un ley cu a rekeri añanan di negociacion. Despues cu e Consejo di Ministernan di Reino (Rijksministerraad) a aproba e proposicion dine islanan y a ricibi e consejo formal di Raad van State di Hulanda, e focus aworaki ta pa stipula con e islanan lo duna follow-up na e proposicion di cambianan presenta pa Corsou. Ademas, un punto central di atencion durante Tripartiet ta e evaluacion independiente cu atuma lugar di e Onderlinge Regeling (e reformanan den e Landspakket).

E Areglo Mutuo di Colaboracion pa Reforma a drenta na vigor na april 2023 entre Hulanda, Aruba, Corsou y Sint Maarten. E a nase for di e crisis di COVID-19 na 2020, caminda e paisnan Caribense a pidi sostén di likides (fiansa) na Hulanda. Como condicion pa e sostén aki, a stipula reformanan structural den e asina yama Landspakketten (Paquetenan pa Pais).



Inicialmente, Hulanda tabata kier a regla e colaboracion aki via un Ley di Reino structural y un organo central yama COHO. Sinembargo, Consejo di Estado y e parlamentonan a duna critica fuerte riba e propuesta aki pasobra e tabata afecta e autonomia di e paisnan. Pa e motibo ey, a dicidi di cambia esaki pa un Areglo Mutuo (basa riba articulo 38, prome miembro di e Statuut), caminda e propiedad (ownership) di e reformanan ta keda explicitamente den man di e Paisnan mes. E evaluacion aki (realisa na 2026 pa un comision independiente y e agencia AEF) lo keda discuti y cada isla tin cu dicidi si nan lo continua, adapta of para e areglo aki ora e vence na april 2027.

Tromp-Lee a señala cu e raport di evaluacion ta subraya tres reto grandi:

Ambicion halto: E reformanan structural acorda tabata hopi ambicioso, specialmente cu nan mester a tuma lugar simultaneamente y riba diferente terenonan clave manera finanzas, impuesto, enseñansa y cuida di salud. No tabatin un miho seleccion di prioridad ni tampoco a midi si e paisnan tabatin e capacidad structural pa carga asina hopi cambio structural na mes un momento.

Scarsedad di recurso humano falta di fondo y tempo: Tin un falta structural di capital humano debidamente capacita, manera huristanan di legislacion (wetgevingsjuristen), y tambe di fondo y "tempo" local ta duna

tardansa na e implementacion. Mucho reforma tin cu tuma lugar simultaneamente. Y practica a demostra cu mester tene cuenta cu e limitacion y retonan riba nos isla.

Pa e rason aki, e consejo principal di e comision di evaluacion cu ta riba mesa ta pa extende e areglo pa dos aña mas, selectando unicamente e reformanan di prioridad halto.



PROGRAMA SPECIAL CONTRA ABUSO DI MUCHA NA: CLUB OANSA PIEDRA PLAT



Diabierna awor 5 di juni 6:00pm. Na: Fundacion Centro Famia Piedra Plat lo bay tin un programa special contra abuso di mucha. Personanan profesional Internacional lo ta presente pa papia cu e muchanan.

E ta un programa preventivo pa muchanan di edad 6 te cu 12 aña. Mayornan tambe ta welcome! Na final tur mucha lo ricibi un buki di regalo.

FCFPP / OANSA ta para pa proteccion, seguridad,

integridad cu norma y balornan Cristian pa mucha y e famia completo.

Club Oansa ta un actividad pa muchanan di edad di 4 pa 12 aña cu ta tuma lugar tur diabierna 6:00pm. y ta draai den e aña escalar di Aruba. Tur mucha ta bin bini na e Club di mucha.

Pa mas informacion tuma contacto via Whatsapp Cell: 5934640 Juffr. Rhoda Berg



MARINA TA PREPARÁ PA TEMPORADA DI ORKAN DURANTE EHERSISIO INTERNASHONAL



Den preparashon pa e próksimo temporada di orkan, e destakamentu di Marina di Sint Maarten a partisipá na Caraïbes '26 siman pasá. Esaki ta un ehersisio bienal, na gran eskala den Karibe. E ehersisio, organisá pa Fransia, ta enfoká riba yudansa humanitario i operashonnan di yudansa den kalamidat.

Durante e di dos fase di Caraïbes, e Marinirnan di Sint Maarten a partisipá aktivamente. E entrenamentu tabata basá

riba un senario realístiko: un orkan devastador a asotá e parti Franses di Sint Maarten. Den koperashon ku trupanen Franses i Colombiano, e Marinirnan di Sint Maarten a lokalísá e residentenan (simulá) i a evakuá nan pa un área sigur; tantu e barkunan rápido FRISC komo un helicopter Franses a keda desplegá pa transportá e heridonan rápido i sigur.

Danki na e bon koperashon entre Marina, e forsanen armá Franses, e unidad Colombiano, i e otro



partnernan internashonal, e evakuashonnan di ehersisio a keda realisá eksitóosamente. Durante e entrenamentu, tur partisipante a kompartí informashon, a sostené otro durante transporte, i

konhuntamente a kuida e víktimanen (simulá).

Kada dos aña, Caraïbes ta reuní vários pais i partnernan lokal di Caribe pa fortalecé e preparashon pa yudansa humanitario i

reakshoná riba kalamidat den e region. E ehersisio ta proveé un ambiente realístiko den kua konosementu i abilidadnan ta wòrdu interkambiá i desaroyá mas aleu.

**TUMA ACCION PA PREVENI,
PROTEHA Y STOP DENGUE
CON NOS POR STOP
DENGUE?**



PORTA PA HARMONIA TA FORTALECE HERENCIA CULTURAL ARUBIANO CU MUSICA Y DERA GAY



Porta pa Harmonia, un iniciativa di Prome Minister Mike Eman, ta sigui brinda oportunidad na hubentud pa desaroya nan talento artistico mientras cu ta mantene nos herencia cultural bibo. Na december 2025, e programa a organisa un tayer di Dande cu e meta di fortalece e tradicion folklorico di Aruba.

Actualmente, den luna di juni, luna di celebracion di Dera Gay, e actividadnan ta continua cu un enfoque special riba musica tradicional. Docentenan di instrumento na Porta pa Harmonia a uni forza pa siña e muchanan con pa toca ritmo di Dera Gay.

Vio Wester a subraya cu, aunke pa hopi alumno esaki ta nan prome experiencia cu e ritmo, e muchanan ta muestra hopi entusiasmo y gana di siña. Segun Wester, nan ta practica constantemente pa domina e ritmo y toca den harmonia. E proseso di enseñansa ta unoyen di satisfaccion, specialmente ora cu ta mira e progreso

di e alumnonan.

Tico Kelly, docente di violin y cuarta, a expresa su orguyo di mira interes den musica y cultura Arubiano ta sigui crece. Segun Kelly, e proyecto ta un manera importante pa mantene tradicionnan bibo y pa percura cu hubentud sigui carga e herencia cultural di Aruba pa futuro. Hunto cu su studiantenan, nan ta prepara presentacionnan di Dera Gay unda ritmo, canto y instrumento ta combina den un experiencia cultural completo.

Marciano Godette a enfatisa cu percusion ta bay mas leu cu musica so. Segun Godette, percusion ta contribui na desaroyo di coordinacion, disciplina y sentido musical, cual tambe ta yuda muchanan den otro instrumentonan. Practica constante, segun Godette, ta e clave pa domina ritmo y conecta naturalmente cu musica.

Vanessa Croes, docente y directora di Seccion di Scol Basico di Scol

Amplio Nos Cosecha, a subraya cu cultura, musica y arte ta esencial den e desaroyo integral di un mucha. Como parti di e curculo, studiantenan ta participa activamente den actividadnan cultural y presentacionnan di Dera Gay. E obhetivo ta un desaroyo holistico, unda cada estudiante por desaroya creatividad, talento y expresion artistico.

Scol Amplio Nos Cosecha a expresa su gratitud na Porta pa Harmonia y Prome Minister Mike Eman pa brinda esaki como un oportunidad unico pa studiantenan y famianan.

Studiantenan tambe a comparti nan experencianan personal. Jadeveon Sanchez a indica cu e ta disfrutando di su lesnan di percusion y cu e ta descubriendo un manera nobo y special pa expresa su talento musical. Jeevan Albertus, kende ya tin experiencia cu violin, ta sigui desaroya su habilidadnan mientras cu e ta conecta mas profundamente cu ritmo tradicional di Dera Gay.

Claire Sophie a destaca cu e ta disfrutando di lesnan di violin y cu poco poco e ta ganando mas confiansa den su habilidad musical. Mientras tanto, Dinzel Soto Soto a pone enfasis riba e balor historico di



Dera Gay, splicando con cada cancion ta conta un historia cu a pasa di generacion pa generacion. Su meta ta pa algun dia representa e tradicion aki den un festival y sigui comparti e herencia cultural di Aruba.

En general, Porta pa Harmonia ta confirma su rol como un espacio unda musica, educacion y cultura ta uni pa forma un generacion nobo cu ta consciente y orguyoso di su identidad Arubiano.

Shailiny Tromp-Lee:

PASADO DI SCLAVITUD Y E RETONAN DI E UNION MONETARIO TEMANAN RIBA AGENDA DI IPKO

Fuera di temanan manera geschillenregeling y structura di reunion, e delegacionnan di e islanan lo atende tambe e tema di esclavitud y slavernijverleden y e retonan di e union monetario entre Curacao y Sint Maarten.

Pa loke ta trata esclavitud e discusion lo enfoca riba e dispensacion y declaracionnan cu a tuma lugar formalmente di parti di Hulanda, y con e tres islanan den un front unifica por existi un miho contesta, cumplimento y reparacion structural den e fondonan priminti. Sigur tin cu sigui trata e parti di "invulling achter de komma" cu Hulanda a priminti.

Durante e proximo reunion Tripartiet nos lo trata tambe e union monetario entre Corsou y Sint Maarten. E union aki, caminda e dos paisnan rumannan ta comparti un solo moneda y un solo Banco Central (CBCS) desde aña 2010, ta confrontando retonan cual nos lo scucha mas di nan durante e reunion.

Mientras cu un union monetario den teoria ta ofrece bentaha, manera un moneda stabil y supervision financiero



comparti, e realidad den practica ta tene tensionnan politico pa locual ta trata e gobernacion di e banco central. Ademas, e echo cu e paisnan aki no por hiba un maneho monetario independiente ta un factor di peso. Pa e motibo aki, e discusion riba un posibel dolarisacion tambe a bolbe drenta e debate publico.

Como parlamentario, mi ta interesa pa haya un bista cla riba e retonan aki durante e Tripartiet. Desde 1986 Aruba a scohe conscientemente pa su propio caminda cu un moneda nacional y un maneho monetario autonomo a traves di Central Bank of Aruba. Den e cuadro aki, nos experiencia exitoso por brindanan un perspectiva cla y lesnan valioso riba

e bentahanan y retonan di por hiba un maneho monetario completamente independiente, yudando nan den e decisionnan importante cu nan tin nan dilanti.

Den Tripartiet tambe lo debati ariba uzo di Papiamentu y lenga materno di cada delegacion den reunionnan Tripartiet.

Un propuesta presenta den e reunion preparativo pa Tripartiet pa e delegacion di Aruba: e uzo oficial di e lenga materno durante e reunionnan entre e islanan di Caribe Hulandes. E proposicion a keda haci pa parlamentario HendrikTevreden pa cada pais por expresa su mes den e idioma cu e ta papia na cas. Actualmente, e discusionnan ta varia

Tromp Lee, e lo yuda pa e representantenan expresa nan ideanan cu mas claridad, creando un ambiente structural di confianza pa traha miho riba e futuro areglo y negociacionnan cu Hulanda.

Pa finalisa Tromp-Lee a indica cu mañan reunion Tripartiet ta inicia y despues ta sigui cu IPKO. Tromp-Lee ta indica cu e reunionnan ta largo y hopi intensivo, cuminsando desde mainta trempan. E fraccion di MEP den preparacion ta consisti di Parlamentario HendrikTevreden, Endy Croes, Edgar Vrolijk, Rocco Tjon y Shailiny Tromp-Lee.

Clasificados



SOLODIPUEBLO@GMAIL.COM

CEL.585 9500



SANDY CROES E/V KOCK TA UN GRADUADO DI MASTER DI DERECHO NA TILBURG UNIVERSITEIT: UN LOGRO ACADEMICO Y PROFESIONAL



Cu hopi orguyo, Sandy Croes e/v Kock a gradua cu su título di Master di Ley (LL.M.) na Tilburg Universiteit, un di e institutonan academico mas prestigioso na Hulanda. Durante su trayecto academico, el a demostra dedicashon,


perseveransia y pasion pa e profesion legal. Durante su estudio, Sandy a haya e oportunidad pa hasi un "stage" na Hof van Justitie na 's-Hertogenbosch den afdeling Familie- en Jeugdrecht. E experensia aki a dune e oportunidad pa e mira di serca con e sistema hudicial ta funciona den practica y asina yudé desaroya mas su abilidadnan profesional den e mundo legal. Sandy a gradua su master cu un specialisatie den Familie- en jeugdrecht. Refleccionando riba e momento special aki, Sandy a expresa su gratitud profundo na tur personanan cu a apoyé durante

su trayecto academico.

"Mi kier a gradisi di curason na tur hende cu a apoyami durante mi estudio. Prome cu tur cos danki na Dios cu durante full mi estudio a guiami. Na mi mayornan, mi casa, mi famia, amigonan, docentenan, supervisornan y coleganan: masha danki pa boso confiansa, conseho y motivacion. Sin boso sosten, e logro aki no lo tabata posibel."

E graduacion aki ta marca e

cumisamento di un capitulo nobo den su bida. Cu su master den ley cu specialisacion den familie-en jeugdrecht, Sandy ta cla pa contribui na e desaroyo di derecho, hustisia di proteccion di derechonan di mucha. Cu e logro aki, Sandy kier inspira otro estudiante nan pa sigui persigui nan meta, cu determinacion y dedicacion bo lo logra.



Clasificados

CLASSIFIEDS

SOLODIPUEBLO@GMAIL.COM
CEL.585 9500

SOLO De Pueblo

Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - June 03, 2026

LOTTO	Sorteo #	Joker	Letter
CATOCIL	Sorteo # 4992		
	5809		
	9166		
	3923		
	X3		
BIG 4	Sorteo # 4992		
	5974		
	X3		
10FF	Sorteo # 3048		
	5542		
ZODIAC	Sorteo # 4992		
	0067		
Capricornio			
LUCKY 3	Sorteo # 1866		
	723		
X2			

LOTTO 5	Sorteo #	Joker	Letter
	0 x Jackpot		
	0 x Match 4+		
	0 x Match 4		
	0 x Afl. 12,00		
			400.000,-

LOTTO DIA	Sorteo #	Joker	Letter
	0 x Jackpot		
	0 x Match 4		
	0 x Afl. 8,00		
			60.000,-

MEGA	Sorteo #	Joker	Letter
	0 x Jackpot		
	0 x match 4		
	0 x Afl. 500,00		
	0 x Afl. 50,00		
	0 x Afl. 15,00		
			290.000,-

Afl. 390.000,-

KORSOB

Sorteo #

QR Code

Iregularidadnan cu placa di FASE den maneho di MEP ta muestra cla y raspa: nos mester por miho Segun Parlamentario John Hart (AVP):



ORANJESTAD (3 di juni 2026) – Parlamentario di AVP, John Hart, ta expresa su preocupacion serio despues di e descubrimientonan presenta door di Algemene Rekenkamer Aruba (ARA) den su evaluacion di Cuenta Anual 2020 di Pais Aruba. Segun Hart, e hayazgonan rond di e programa di ayudo di emergencia FASE ta confirma cu durante e periodo di pandemia tabatin falta serio di control, supervision y documentacion den e maneho di fondonan publico. Ta papia aki di un total di casi 43 miyon florin. E informe di ARA ta señala varios irregularidadnan den e proceso di aplicacion, evaluacion y pago di e ayudo

FASE. Entre otro, e organismo di control ta conclui cu no tabatin suficiente mecanismo pa preveni pago dobel, ni suficiente verificacion di identidad di solicitantenan. Tambe a constata cu durante e ehecucion di e programa, diferente procedimentonan a cambia sin cu esakinan tabata documenta formalmente, debilitando e controlnan interno necesario pa garantisar un maneho responsabel di recurso publico. Segun Hart, e informe ta muestra cu e responsabilidad pa procesa e pagonan inicialmente tabata bou di Departamento di Asuntonan Social (DAS), pero posteriormente a transferi pa Departamento di Finansa pa

medio di e sistema di payroll. Sinembargo, ARA ta indica cu e transicion aki no tabata formalisa adecuadamente, creando riesgo adicional pa erornan administrativo y pago indebido. Ademá, ARA ta señala cu no tabatin un procedura formal y documenta pa pagonan cash na beneficiario cu no tabatin cuenta bancario, algo cu por afecta transparencia, trazabilidad y rendicion di cuenta den e uso di fondonan publico.

“E hayazgonan di ARA ta hopi serio y merece atencion completo di Parlamento y di comunidad. Nos ta papia di casi 43 miyon florin di fondo publico durante un di e periodonan mas dificil di nos historia.

E exigencianan di control, transparencia y responsabilidad mester tabata mas halto, no menos,” Hart a declara.

Parlamentario Hart a recorda cu representantenan di Algemene Rekenkamer a presenta nan observacionnan

na Parlamento dia 18 di mei 2026. Segun dje, e contenido di e informe ta contene preguntanan importante cu ainda mester contesta.

“E resultadonan den e jaarverslag 2020 ta dificil pa ignora paso ta papiando di casi 43 miyon florin. E irregularidadnan y posibel abuso menciona den e informe ta di tal gravedad cu un continuacion di e reunion cu Algemene Rekenkamer ta absolutamente necesario. Nos ta pendiente awor pa Presidente di Parlamento convoca e siguiente encuentro pa profundisa den e asunto aki y determina con nos por evita cu situacionnan similar ripiti den futuro,” Hart a conclui.

Segun e parlamentario di AVP, e les principal cu Aruba mester saca for di e episodio aki ta cu bon gobernacion, control financiero fuerte y transparencia no ta opcionnan, sino condicionnan esencial pa mantene confianza publico den gobierno y den e maneho di placa di pueblo.

Clasificados

SOLODIPUEBLO@GMAIL.COM

CEL. 585 9500



Durante conferencia di prensa diamars mainta, Minister di Husticia, Integracion, Transporte Publico y Energia, mr. drs. Arthur Dowers, a comparti varios actualisacion relaciona cu DIMAS y maneho di e programa Hunto pa Progreso. Despues cu Hunto pa Progreso a conclui na december di 2025, DIMAS a sigui procesa tur peticion pendiente y monitor e resultado di e programa. E ultimo fase di Hunto pa Progreso a brinda alrededor di 1.500 persona un permiso temporal cu duracion maximo di un aña, cu e obhetivo pa brinda nan un oportunidad real pa integra den e mercado laboral formal, haya un dunado di trabao y sigui e trayecto regular di permiso. Minister Dowers a indica cu hopi participante a haci bon uzo di fase 4 di Hunto pa Progreso pa regularisa nan situacion y contribui legalmente na nos economia. Sinembargo, a constata cu tin un grupo cu no a cumpli cu e responsabilidadnan

cu tabata mara na e permiso temporal aki.

Gobierno a crea un oportunidad unico. E expectativa tabata cu e persona cu a ricibi e permiso lo busca pa integra formalmente den nos mercado laboral y na momento cu constata cu nan no ta cumpli cu e condicionnan estableci, lo tin consecuencia. E mandatario a recorda cu e permiso temporal nunca tabata duna como un solucion permanente, sino como un transicion pa yega na regularisacion completo. Esnan cu no haya un dunado di trabao durante e periodo permiti no lo cualifica pa sigui den e trayecto y no lo bin na remarca pa permiso den futuro.

Durante e conferencia, Minister Dowers tambe a expresa su preocupacion riba varios caso unda personanan ta solicita permiso pa un funcion specifico, pero despues ta haci un trabao completamente diferente den e mesun empresa. Segun e mandatario, situacionnan

GOBIERNO A BRINDA OPORTUNIDAD, AWO TA TEMPO PA CUMPLI CU RESPONSABILIDAD

asina ta daña e credibilidad di e sistema y ta afecta e capacidad di Gobierno pa evalua necesidadnan real di e mercado laboral y no ta descarta control riba esaki.

Pa responde na necesidadnan di comercio, e mandatario lo sostene varios encuentro cu dunadonan di trabao y otro actor relevante pa revisa y actualisa e lista di excepcion y lo publica esaki na final di juni 2026.

Minister Dowers tambe a enfatisa cu Aruba no por sigui permiti situacionnan unda personanan ta facilita entrada di familiar of conocinan cu na final ta keda sin cumpli cu nan obligacionnan migratorio y ta drenta e circuito laboral di manera ilegal.

E rol di garante no ta un formalidad. Ta un compromiso legal y moral cu tin consecuencia ora no cumplii cu e obligacionnan. Segun e mandatario, cualkier persona cu participa den actonan ilicito relaciona

inmigracion por enfrenta consecuencia administrativo y legal, incluyendo retiro di permiso y deportacion den caso cu ley ta permiti.

Concluyendo, Minister Dowers a reafirma cu Aruba ta un pais di ley y orden y ta duna oportunidad na esnan cu kier integra, traha y contribui honestamente. Pero e tempo di haci mal uzo di flexibilidad y confiansa a caba. E maneho ta existi pa proteha nos comunidad, economia y futuro di Aruba.

**UN BITTER
DI MAS...
POR
STROBA
BO DI
YEGA CAS.**



E
DESICION TA
DEN BO MAN



Minister Geoffrey Wever: **EXPERTONAN INTERNACIONAL A PRESENTA DISEÑO TECNICO Y BUSINESS CASE DI AGRIINNOVATION PARK NA PARLAMENTO**

Oranjestad, 26 mei 2026 - E proyecto Agri-Innovation Park Aruba (AIP) a conoce un punto importante. Dialuna ultimo, den Parlamento, profesionalnan di AAB International hunto cu Sr. Elwin Groenevelt a presenta e diseño tecnico y e business case di e proyecto. Esaki ta un momento clave pa futuro di seguridad alimentario di Aruba.

Minister di Finansa, Asunto Economico y Sector Primario, mr. Geoffrey Wever, ta satisfecho cu e desaroyo. E proyecto ya a ser presenta den Ministerraad y awor na e miembronan di Parlamento den comision a ser informa completamente riba e contenido tecnico y financiero di e AIP.

"E presentacion den Parlamento ta confirma cu nos ta trahando cu transparencia y cu responsabilidad. Nos ta presentando no solamente un vision, sino un plan concreto, tecnico y financiero cu ta responde

na un necesidad real di nos pueblo." Minister Geoffrey Wever a comenta.

AAB International, un compania cu tin mas cu 40 aña di experiencia internacional den horticultura, ta e mente tras di e diseño. Nan presentacion a cubri e aspectonan tecnico, economico y strategico di e proyecto den detaye.


E diseño ta confirma cu produccion agricola innovativo ta factibel den condicionnan di Aruba. E plan ta inclui inversion den control di clima, energia confiabel y infraestructura di awa.

Puntonan clave di e proyecto Un kashuis hightech semi-cera di aproximadamente 9.000 m², dividi den 5 compartimento Un Center of Excellence pa educacion, investigacion y innovacion agricola Fase inicial ta enfoca riba cultivo di tomati, cu potencial pa reemplaza

±48% di consumo local Flexibilidad pa amplia pa otro cultivo den futuro Enphasis riba sostenibilidad: uso eficiente di awa, nutriente y energia renobabel Parti di e Agripreneurial Development Program (ADP) di Aruba Minister Wever a subraya cu AIP no ta un solucion aisla. E ta parti di un sistema integra di seguridad alimentario. Agricultura tradicional, agricultura regenerativo, criamento di bestia, pesca y produccion local di scala chikito ta sigui hunga un rol crucial.

"Nos ta construyendo un futuro unda Aruba por alimenta su mesun hendenan. Menos dependiente di importacion. Mas resiliente. Un sistema alimentario cu ta fuerte, accesibel y sostenibel pa tur Arubiano."— Minister Geoffrey Wever

Awor cu e presentacion na Parlamento a tuma luga, e siguiente fasenan di e proyecto por cuminsa. E siguiente stap na despues di e



presentacion pa e comision di Parlamento, ta sigui cu e seleccion di un tereno alternativo, adaptacion di e diseño na e ubicacion nobo, inicio di e trayecto di vergunning y estudio ambiental (MER), y preparacion pa un destaho publico.

AIP ta representa mas cu un proyecto agricola. E ta un declaracion di confiansa den Aruba. Un inversion den futuro di nos pueblo. Un paso fundamental y necesario.





PARLAMENTARIO XIOMARA MADURO TA FELICITA CECILITO LOPES CU SU 40 ANIVERSARIO DEN RADIODIFUSION NA ARUBA

Dia 1 di juni 2026, e conoci locutor Cecilito Lopes a cumpli 40 aña di aniversario den radiodifusion na Aruba. Parlamentario Xiomara Maduro no kier a laga e bunita logro aki pasa sin dedica algun palabra di felicitacion y gradicimento na Cecilito Lopes.

“Cu hopi aprecio nos ta dedica e palabranan aki na Cecilito

Lopes na ocasion di e celebracion di 40 aña di entrega, pasion y amor pa radiodifusion na Aruba. Durante cuatro decada Cecilito su bos a yena nos casnan, nos auto y nos curason cu alegria, informacion y e

01 June 1986
Radio Antillana 1270 am

Felicita nos
CECILITO
Lopes

Cu 40 aña di entrega, pasion y amor pa radio difusion na Aruba.

01 June 2026
Radio Mas fm 105.1

Bo bos a yena nos casnan, nos auto y nos curason cu **alegria**.

Bo ta un berdadero embahador di nos cultura Arubiano, manteniendo nos tradicion bibo y fortaleciendo nos identidad.

40th
ANNIVERSARY

Bo ta trece alegria y ta dedica na Aruba su cultura.

Danki, CECILITO,
pa tur loke bo a haci y sigui haci pa nos comunidad y pa Aruba.

Aruba ta gradici bo grandemente! ♥

Cu *respet* y admiracion,
Parlamentario
Xiomara Maduro



calor unico cu solamente Cecilito sa brinda,” Parlamentario Maduro ta expresa.

Segun Maduro: “Cecilito no solamente ta conoci como un gran locutor, pero tambe como un berdadero embahador di nos cultura Arubiano. Cu cada programa, musica y mensahe, Cecilito a contribui pa mantene nos tradicion bibo y a fortalece e identidad di nos pueblo.”

“Cecilito, bo dedicacion, humildad y entusiasmo a toca hopi bida y a inspira generacionnan. Aruba ta profundamente gradici pa tur loke bo a haci y ta sigui haci pa nos

comunidad. Na e ocasion special aki, nos ta expresa nos gratitud mas sincero y nos ta deseabo hopi salud, bendicion y mas exito ainda. Danki pa 40 aña di alegria, compromiso y amor pa Aruba. Cu hopi aprecio y respet, di nos tur cu ta aprecia bo gran trabou,” Parlamentario Xiomara Maduro ta enfatisa.

Clasificados

CLASSIFIEDS

SOLODIPUEBLO@GMAIL.COM
CEL. 585 9500

NO CONSULTA CU E BRUHONAN BISTI DEN CUERO DI CARNE

Tin bruhonan cu ta promove nan servicicionan den medianan di comunicacion. E bruhonan ta ofrecebo tursortodijudansanan, di drecha tur bo problemanan, sanacionnan, suerte etc. y hopi di nan ta bini cu diferente titulonnan y nombrenan bao di un capa pa ganja hopi hendenan. No bai na e bruhonan, pasobra unabes cu bo bai, bo ta entrega bo mes na e bruhonan y cu nan demonionan. Esaki ta un pika mortal y condenabel den bista di Dios. Pakiko tin algun hendenan conciente di Dios Su boluntad y tog nan ta bai na e bruhonan? Bosonan no ta comprende, cu boso no por ta cu Dios y alaves cu satanas tambe. Den Bijbel Deuteronomio 18: 10-12; Dios Tata ta bisa: "Cu lo no haya meimei di bo, cu ta laga pasa su yiu homber of su yiu muher pasa pa sacrificio di candela; cu lo no tin lesadornan di futuro, ningun hende cu ta consulta cu e astronan (horoscoPONAN), ni cu e bruhonan, cu no haya ningun hende cu ta consulta cu e spiritistanan, cu mediumnan, cu no haya ningun hende cu ta adivina (tarot) of na esnan cu ta jama e mortonan (montamento). Pasobra Dios Yave ta aborece na esnan cu ta haci e cosnan aki y precisamente E ta expulsanan for di Su bista." Den Bijbel Leviticonan 20: 6, Dios Tata ta bisa: "Si algun di boso cu ta consulta na e spiritistanan y na e adivinonan pa uni cu nan diosnan falso, lo Mi bira Mi cara contra nan y lo Mi eliminanan den nan pueblo." Esnan cu ta bai na e bruhonan, e diabelnan ta keda nan tras, nan lo sinti hopi movecionnan strango rond di nan, nan lo tende stemnan y hopi bes nan ta wordo posei pa e diabelnan, nan no por drumi anochi y nan no por controla nan mes etc.. Y door di esey e bruhonan ta sigi manda diabelnan pa nan. Hopi di e hendenan aki, cu ta wordo posei

pa e diabelnan, nan ta bai para te na e clinica di PAAZ, pa tratamiento di psychotic, schizofrenie, dimencia etc.. Hendenan sin fe, ta laganan cai den e sorto di servicicionan diabolico aki, na unda cu e bruhonan ta monta pa baha e spiritonan diabolico y nan ta usa bo portret y bo fecha di nacemento den nan ritualnan etc.. Bo fe den Dios ta bisa'bo, pa no bai na e sorto di camindanan robes aki, pero bai na un pastoor of bai na un persona Cristian y hopi spiritual pa e por juda bo y pa e duna bo un bon consejo y spiertamento di e sorto di e hendenan aki. Ora bo tende y lesa di e sorto di servicicionan di e bruhonan aki, no core jama y no core bai di biaha, pero pensa prome y bai busca bo informacionnan na un persona spiritual di Iglesia, pa bo no cai



den e trampanan di e diabel y pa bo no ofende Dios cu bo pikanan condenabel.

Na esnan cu ta pensa di bai of cu a bai caba na e bruhonan, den Bijbel 1 Cor. 10: 21-22, Cristo-Hesus ta adverti: "Bosonan no por bebe for di e copa di Senjor y den mesun tempo ta bebe for di e copa di e demonionan. Bosonan no por participa na e


Cena di Senjor y tambe di e demonionan. Acaso boso kier provoca e rabia di Senjor? Of acaso boso ta mas fuerte cun'E?" Akinan Cristo-Hesus ta adverti, bo no por ta pretende di ta un Cristian y alaves bo ta bai na e bruhonan. Bo no por ta stima Cristo-Hesus y alaves bo ta bai na e bruhonan. Den Bijbel Levitico 19:26, Dios Tata ta bisa bon kla: "No mete boso mes den bruhonianan."

Dios ta bisa bon cla den Bijbel, 2

Tessalonicensenan 1: 8 y 9; "Den candela ardiente pa castiga esnan cu no ta reconoce Dios y na esnan cu no ta obedece na Evangelio di nos Senjor Hesus. Nan lo paga pa esey cu perdicion eterno lew for di Cara di Senjor y di Su Mahestad di Su Forsa."

Seferino Tromp
Mensahero di Dios

Oracion Di Dia



Un feliz dia bendiciona yena cu gracia di Dios

"Lo Bo ta sacerdote pa semper na e mesun manera cu Melkisedec."
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experiencia Amor, E Amor Unico cu nos tur ta anghela consciente y inconscientemente nos tur ta anghela di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnay y awor ta keda nos nada mas cu resa y pidi Spirito Santo habri nos curason pa nos experencia y pone e donnay den practica y asina acepta y cumpli cu Dios su boluntad den nos bida y nos biba!

Oracion: Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.

Amen

SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6


8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			

Laga tur loke ta spera mi ta bunita
 Laga tur locual cu mi encontra na caminda ta bunita Laga tur locual cu mi laga
 atras keda bunita y
 Laga esakinan termina den tur buniteza.
 Cu profundo tristeza na nos curazon, pero gradicido na Dios pa tur locual el a
 significa pa nos, ta anuncia fayecimento di:

Sra. Marcelina Tromp- Lopez

Mihor conoci como Lina
 * 26 april 1937 †31 mei 2026



Yui di †Ignacio & Juanita Lopez- Wever
 Viuda di Sr.Teofilo Tromp

Na number di su:

Yuinan:

Luis y Sandra Tromp- Garcia Restrepo Tito y Mila Tromp- Thijzen

Roberto y Antonia Tromp- Geerman

Nieto(a)nan:

Jonathan y Maria Monica Tromp- van den Bosch Ludwig Tromp Y Evelyn Peterson

Luis Tromp y Vanessa Geerman Ruzischka Tromp y Richnell Rozenberg Rashida Tromp

Maikel Rasmijn

Bisanieta(a)nan:

Nathan, Niamh, Adam, Noah, Nixelyn, Neylani, Isabelle, Theo y Christiaan.

Rumannan:

† Francisco Lopez y familia

† Carlino Lopez y familia

† Agrepina Koolman- Lopez y familia

† Catharina Lopez

† Damasco Lopez y familia

† Cleta Wever – Lopez y familia

† Helena Lopez

Pascuala Abello- Lopez y familia

Swa y cuñanan:

† Edna Johnson Tromp y familia

† Ruben Tromp y familia

† Margo Sark- Tromp y familia

† Olga Wong- Tromp y familia

† Marco Tromp y familia

† Leo Tromp y familia

† Bill Tromp y familia

Amiganon di cas:

Elio y Carmen Carolina- Rasmijn y familia

Subrino y subrinanan, primo y primanan, ihanan, bisiñanan, personal di Cas di Machi, Brazilian Flash Racing Foundation, demas familia y conocirnan.

Ta invita tur bisiña, amigo y conocir pa asisiti na e acto di despedida cual lo tuma lugar diabierna 05 juni 2026.

E curpa di nos Lina stima lo ta reposa for di 9or di mainta pa 10.30 na Pray funeral home na San Nicolaas sigi pa un response.

Acto di cremacion lo tuma lugar den seno familiar.

Si en caso den nos tristeza nos por a lubida algun persona of familia, nos ta pidi nos mas sincero disculpa.